



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 1. Callistus II. Papa.


---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

XVI.  
ta est,  
millef.  
quam  
Cor.  
equie.  
decim  
acien.  
collo.  
re.



# HISTORIA ECCLESIASTICA. LIBER LXVII.



CALLISTUS II. PAPA.  
HENRICUS V. IMPERAT. OCC. JOANNES  
COMNENUS IMP. ORIENTIS.

§. I.

*Callistus II. Papa.*

Guido Archiepiscopus Viennensis, Sæcul. XII.  
cum Gelasio Papa jam mortuo A.C. 1119.  
Cluniacum pervenisset, a Cardi-  
nalibus præsentibus Papa eligitur & Cal-  
listus II. appellatur. Ipse vehementer  
vit. per Pan-  
repugnabat, metuens præcipue, ne sui  
electio Romæ rejiceretur, nec permove-  
ri potuit, ut Trabea rubra uteretur,  
priusquam attulissent nuncii, ipsius ele-  
ctionem in Urbe ratam haberi. Guido  
Hist. Eccles. Tom. XVI. D d ex

Sæcul. XII. ex Guilielmo Audace, Burgundiæ Co-  
A.C. 1119. mite, genitus erat, Imperatores, Reges-

que Franciæ & Angliæ sanguinis affini-  
 tate contingens. Soror ejus Guilla Hum-  
 berto II. Comiti Mauriennæ Vallis nu-  
 pserat, quorum filiæ Adelhaidi Ludovi-  
 ci Crassi, Regis Franciæ, conjugium ob-  
 tingerat. Inter Epistolas, a Callisto II.  
 ad præcipuos Antistites datas, quibus  
 eos certiores facit, se Romanum Pontifi-  
 cem fuisse electum, illam habemus, quam  
 Alberto Archiepiscopo Moguntino scri-  
 psit. In ea vero loquitur in hunc mo-  
 dum: *Dominus noster felicitis memoria*  
*Gelasius Papa mihi injunxit, ut ad eum*  
*festinarem, postquam ipse Cluniacum per-*  
*venisset. Quod cum post dies aliquot im-*  
*plere satagerem, in itinere de ejus obitu*  
*nuncium accepi. Ego ut Fratribus, qui*  
*cum Pontifice venerant, solatium exhibe-*  
*rem, Cluniacum magno dolore affectus per-*  
*rexi. Dum autem ipsorum luctum mi-*  
*nuere cogito, gravissimum onus, & omni-*  
*no vires meas superans, humeris meis im-*  
*posuerunt; namque Episcopi, Cardinales,*  
*Clerici, Laicique Romani unanimi consen-*  
*su me invitum ad regendam Ecclesiam Ro-*  
*manam, addito Callisti nomine, elegerunt.*

Cardinales Cluniaci congregati, mis-  
 sis Romam nunciis, Petrum Episcopum  
 Portuensem, quem Gelasius Papa suum ibi  
 Vicarium constituerat, Gelasii obitum &  
 Calli-

Callisti electionem edocuerunt. Ille per-<sup>Sæcul. XII.</sup>  
lectis litteris illico Capitolium ascendit, <sup>A.C. 1119.</sup>  
easque coram Romanis recitari jubet, qui <sup>Chr. Benev.</sup>  
omnes una voce peractam electionem <sup>ap. Baron.</sup>  
approbarunt, laudantes Deum, qui eis <sup>1119.</sup>  
virum prudentem, & ornatum moribus,  
Pontificem largitus esset. Nemo autem  
Romæ studiosius aliorum animos ad con-  
firmandam hanc electionem impulit,  
quam Petrus Leonis; nam filius ejus, &  
ipse Petrus nomine, Cardinalis Diaco-  
nus, in Francia præcipuus auctor eligen-  
di Guidonem Papam fuerat. Tum Epi-  
scopus Portuensis de Gelasii obitu cer-  
tiorum fecit Hugonem Cardinalem Le-  
gatum Beneventi, & Landulphum ejus-  
dem civitatis Archiepiscopum, qui sine  
mora congregatis Clericis populoque pa-  
lam fecit Callisti electionem; eaque ab  
omnibus approbata cives novo Pontifici  
fidem jurarunt. Inter hæc Callistus Pa-  
pa solemniter ritu Viennæ a Lamberto Epi-  
scopo Ostiensi & pluribus aliis, Domi-  
nica Quinquagesimæ, nona Februarii, an-  
no millesimo centesimo decimo nono,  
coronatur, ejusque electio ubique pro-  
mulgatur, præsertim in Germania ac in <sup>epist. Conon.</sup>  
Comitiis Triburiæ celebratis, quorum oc- <sup>to 3. spicil.</sup>  
casio hæc fuit. <sup>p. 493.</sup>

Henrico Imperatori adhuc in Italia  
versanti nunciatur, Cononem Episcopum  
Prænestinum, Gelasii Papæ Legatum, la-

D d 2 tam

Sæcul. XII. tam contra se Excommunicationis sen-  
 A C. 1119. tentiam in Conciliis Coloniensi & Fritz-  
 Ab. Ursper. lariensi confirmasse, ac Principes Germa-  
 m. 1119. niæ paulo post Comitia Herbipoli cele-  
 branda indixisse, quibus nisi interesset  
 Imperator, a regno deponeretur. Hen-  
 ricus, acceptis his literis, furiose indi-  
 gnans, copiis in Italia cum Imperatrice  
 uxore sua relictis, strenue confecto iti-  
 nere, in Germaniam pervenit, cum mi-  
 nime expectaretur. Ipso presente bel-  
 lum restauratur; unde compulsus est  
 Comitia generalia Episcoporum & Prin-  
 cipum Triburiæ celebrare, promisitque,  
 se Episcopis Principibusque circa omnia,  
 quæ sibi objiciebantur, satisfactorum.  
 In illis Comitiis pax quidem inita, sed  
 non satis solidis fundamentis nixa. Ad-  
 fuere Romani, Viennenses, multarumque  
 aliarum Ecclesiarum Legati, qui novam  
 Callisti Papæ electionem confirmarunt,  
 omnes Episcopi Germaniæ Pontifici obe-  
 dientiam polliciti sunt, approbaruntque  
 consilium Synodum ad Festum S. Lucæ  
 celebrandi, & Imperator se quoque ad  
 pacandam universam Ecclesiam adfutu-  
 rum edixit.

## §. II.

*Concilium Tolosanum. Manichæi.*

Interim, priusquam advenisset tempus  
 Concilii, quod Remis cogendum erat,  
 Calli-